


15
1412





門 45
號 1412
卷 2

餘文序錄則余卷之六

內篇第六



擲燕泉何孟春撰述

男國學生仲方編輯

莊子曰為天下者奚以異乎牧馬哉去其害馬而已矣
淮南子曰治國者若養田去其害田而已矣
○黃帝問達於牧馬童子因問為天下小者曰為天下
亦奚以異乎牧馬者哉亦去其害馬者而已矣黃帝再
拜稱天師而退此事雖在生寓言所謂去其害馬者之
言其為天下之道矣牧馬蹄筭數百言無出此一言者
秦穆公使賈人載筭賈人買百里奚使將車之秦穆公
觀筭見百里奚牛肥曰任重道遠以險而牛何以肥也

大學
25.10.3
茶

對曰臣飲食之以時使之不以暴有險元後之以身是
以肥也。館公知其子。子令有司具沐浴為衣冠與坐。公
大悅。異日與公孫文論政曰。吾悅夫矣。之言。公孫支乃
致上鄉以讓矣。公從之。公與矣。坐之言。今不可知。即矣
之牛肥。所以對公者。知公之悅矣。能治國矣。知矣。後來
之治。奉國之有相矣。漢卜式。當武帝時。卜式願輸其家
半助邊。不報。後上思式言。召拜為中郎。式辭。上曰。吾有
羊上林中。欲令子牧之。式乃拜為郎。布衣。屬而牧羊。歲
餘。羊肥。息上。遇見其羊。善之。式曰。非獨羊也。治民亦猶
是也。以時起居。惡者。輒斥去。毋令敗群。上以式為奇。拜
為緱氏令。試之。候民便之。式在漢。連本無奇節。而其言

有契先哲。若此。見奇於上。夫豈不宜。縣令固不足盡其
能也。今士大夫言及式。多羞其所為。考其治民。有如式
之牧羊者。幾人。孟子曰。今有受人之牛羊。而為之牧者。
則必為之求粟與芻矣。求粟與芻。而不得。則反諸其人。
乎。抑亦言而視其死與。嗚呼。今之人。豈惟不知為求粟
與芻。將并其粟與芻而竊之。斯民奈之何其。不重厄也。
○說苑百里奚始為人牧羊。秦穆公見百里奚。問牛何
肥也。對曰。臣飲食之以時。使之不以暴。有險。元後之。
以。身是以肥也。穆公知其君子也。宰相之史記。卜式初牧
羊百餘。一歲。羊熟。千餘。武帝令牧羊上林中。歲餘。羊悉
肥。上過。而善之。式曰。非獨羊治民如是也。上以為賢。拜

緄氏令百里奚之才大而才見於牧羊牛卜式之能小而能表於牧羊然非秦穆漢武之明則亦不能知其才與能也

○楚平王十年六月之邊呂平梁文與楚過色鍾離小童爭桑兩家交怒相攻楚伐甲梁人梁大夫怒發兵攻鍾離楚王聞之六怒兵亦發兵使公子光攻楚遂滅鍾離見史梁大夫宋就為邊縣令與楚鄰界梁亭楚亭皆種瓜梁亭劬力數灌其瓜瓜美楚人曰然而楚灌其瓜瓜惡楚令以梁瓜之美因往夜竊搔梁瓜皆焦死梁亭欲往報搔瓜宋就不可令人竊為楚亭夜灌其瓜日以美楚亭察之則梁亭之為也楚令大悅以聞楚王乃謝以幣而請交於梁王見賈夫爭桑灌瓜為惡與德事端甚微而一以成兩國之誼一以交二主之歡害利相去天淵如此身謂君子作事謀始有以矣

○晉驪姬譖太子申生於獻公獻公怒將殺之申生奔新城自伏劍死夫毋愛者子抱獻公溺驪姬之愛矣姬之護豈生其罪有以來之生不以罪去其子不得立也公告里克曰寡人有子未知誰子當立是時也申生已為太子乃曰未知誰立豈不為美齊而云爾乎克退以告里克亦諭其意矣使即是時見幾審兆虛儲副之地聽所植焉誰之謠當不祀而止新城之事何言哉惜哉申生不得為周泰伯其所以自處者蓋有所未盡也

○痛哉申生可謂為人之所難為其所處特未善耳父子之恩本出天性以父殺子是為不慈為人子者豈可以陷父於不慈然至於自亦其刃以預遺體亦不得謂之善愛矣晉獻公弱於後妻之譖欲致殘其嫡子是人之倫之變也善處人倫之變直法諸舜而已舜父瞽叟聽後妻言愛少子象嘗欲殺舜豈不亦猶獻公之所為乎然舜不失子道欲殺不可得即求常在側是以卒也致瞽叟之底豫而有以全其天性彼獻公初意不過欲得太子位以立矣齊耳其告里克曰寡人有子未知誰子當立是時申生已為太子及曰未知誰立豈非為奚齊而云爾乎克以告申生申生當時亦喻其意使即移

病請命虛儲副之地而聽所植焉則上順於親下友於弟而身享讓國之譽姬之讒塚當不枕而止申生何至有新城之事哉且申生之忍於伏劍蓋不欲彰父之過而不知此正為彰父不慈之過也欲不彰父不慈之過必若大舜然後可免而曰勇不逃死然則舜所以不灰廩上不泥井中者怯乎哉昔晉曾子耘瓜而悞斬其根曾皙怒援大杖擊之仆地有頃始甦孔子聞之謂門人曰參來弗納也以子輿不舜也若申生者能若舜乎重耳兩亡而兩拒之既不忍君以恨終又不欲君惡聞於列國及刃即頸猶慮君老而勸孤突出而位之其中心愛父之心惓惓與死俱已其謚為恭在此吾特痛其

所處雖恭而猶未臻於善耳後世乃有如漢擾之所為者意彼何人哉

○公羊春秋趙盾晉卿而食魚禮儉也戰國策孟嘗君上客食肉中客食魚孟子自言所欲不可得兼當舍魚而取熊掌王安石謂魚羹飯何處無之古人不以魚為首宗也晏子相齊一狐裘三十年趙咨令東海變枯魚噉之二年不盡人衣食每如是寧復有寒飢之患貪林之耻乎

○楚昭王有士曰石奢其為人公而好直王使為理於是道有殺人者石奢追之則父也還返於庭曰殺人者臣父也以父成政非孝也不行君法非忠也弛罪廢

法而伏其辜臣之所守也遂伏斧鑕而死君子聞之曰貞夫法哉孔子曰父為子隱子為父隱直在其中矣詩曰彼之子邦之司直石先生之謂也韓詩外傳昔人之稱奢如此孟子謂舜竊負而逃遵海濱而處之計奢獨不可行歟追殺入者則其父也何不與之而偕亡也舜不在執法之任而身又君也奢有不同故歟既已亡矣則無執法之任而非楚之正矣奢計出此身可不死而父亦可以無罪不遇返言於庭而父殺人之惡不聞於人亦得所以為父隱之道矣乃持區區之信以伏斧鑕而博司直之譽可哀也哉

○楚有直躬者其父竊羊而謁之上上執而誅之直躬

者請代之將誅矣告吏曰人竊羊而錮之不亦信乎父
誅而小之不亦乎信曰子而誅之國將有不誅者乎
荆王問之乃不誅也孔子問之曰異哉直躬之為信也
一父而戮取名焉南深言盼父任原鄉令為吏吏所誣
罪當大辟盼年十五乞代父命高祖勅廷尉蔡法受取
其疑實盼詞不移初見曰獄掾依法備加桎梏法度於
之命脫其大械更著小者盼弗聽曰死罪之曰豈可減
乎法度具以聞乃省其父丹陽尹王志欲於獄首無充
純孝盼曰異哉王尹何量盼之薄乎父辱子死道固當
然若盼當此舉乃是因父取名何辱如之固拒而止觀
諸盼也所有益有以而直躬之無所迫於死矣

○子之愚不可解於心者也夷狄禽獸皆知有母而
鄭莊有滅賴之誓與起為衛門之盟惟公幸悔於考叔
而起終絕於曾子悲夫姜維之母不能歸其子溫嶠為
子而不見留於其母賢不肖雖不同其以物累滅天性
一也

○子絕母非人理也鄭莊實母滅賴而為不及黃泉無
相見之誓既而悔之理在人心有不可待亡者故於賴
考叔賜食含肉之事遂有感焉考叔於此直就倫理論
之遠逆奪而歸順德其誰曰不然而必為泉隧以文其
情吾無取焉耳矣

○春秋外傳周恭王游於涇上密康公從三女奔之其

母曰必致之王蒙以美物歸汝何德以堪之康公不獻
一年三族密內恃晉叔向欲娶於申公巫臣氏其母曰
甚美必有其惡尤物足以終人苟非德義必有禍叔向
懼不取平公強使取之生伯石後晉穆初盈及湯食我
遂滅羊舌氏甚矣叔向之母言之似康公之母也后
變之德不能消育仍氏之禍孰有以德自命而堪女色
者乎孰有近文色而謂有德者乎老子曰不見可欲使
心不亂可欲之物豈不甚可畏哉

○魯桓公與夫人姜氏如齊齊侯通馬公譎之夫人譖
公於齊侯公曰同非吾子齊侯之子也譎公曰云云齊侯
怒與之飲酒於其出馬使公子彭生送之於其乘馬擯

幹而殺之同孰謂謂莊公也然則魯國之祀其移于姜
氏矣不然也魯聖人之後也以周公之功之德天決不
絕之於非類而齊侯之子云然者傳不云夫人譖公乎
即有之桓之志辭耳桓三年姜氏至自齊六年九月丁
卯子同生春秋十二公無書其子生者公羊以為病桓
之辭其病乎桓後來同非吾子之辭故也同生在莫母
至之四年而曰齊侯之子可乎書子同生而曰以謹之
豈當時亦有嫌焉而欲者其生乎其以釋傳聞者之疑
故也陳靈公與孔寧儀行父飲酒於夏氏公謂行父曰
微舒似文對曰亦似君微舒病之公出自既射而殺之
微舒無謂謂夏姬之子也此魯宣公十年事杜預云靈

公即位於今十五年徵舒已為卿年大無嫌是公子蓋以夏鄭淫放故謂其子多似以為戲耳春懼桓之志辭類此營也夫婦以志陳也君臣以戲齊何有乎兄弟夏何有乎父子人道之瀆也一至此哉人道絕矣何有乎朋友晉祁勝與鄆臧通室祁盈執之勝與臧之死也其禍至哉祁氏羊舌氏羊舌氏之子叔向所娶夏姬之女所生之子也

○石碯諫衛莊公曰愛子教之以義方碯非不知於子乎教者然其子厚從州吁遊而不之禁異日州吁以逆誅遂併其子殺之使碯素有義方之教弗納於邪其子豈至是乎嗚呼碯非能愛其子者後世以大義滅親許

碯為純臣碯不得為慈父矣

○韓非子管仲束縛自魯之齊路飢而泣過綺邑乞食封人跪食之因竊謂仲曰若用齊將何報我仲曰如子之言我且賢之用能之使勞之論我何以報子封人怨之司馬史記韓信始為布衣從人寄食飲人多厭之者嘗釣於城下諸毋漂有一毋見信飢飯信竟漂數十川信喜謂漂毋曰吾必有以重報毋毋怒曰大丈夫不能自食吾哀王孫而進食豈望報乎信後為楚王召所從食漂毋賜千金夫施人者不求報當如漂毋不當如封人受人施者不忘報當如韓信不當如管仲仲父之言正矣我何以報子心無乃失之忍乎淮陰之言陋矣吾

必有以重報母情固有所不容已也

○齊桓公會飲群臣鮑叔牙奉觴起曰願公無忘在莒時使管仲無忘束縛於魯軒效為規於晏樂之間勉強盛如艱難之際叔牙一言而君臣兩戒焉其後仲謂桓公亦曰願公無忘蚡鉤臣無忘搢車此齊之所以霸也漢馮異舉以告光武曰願國家無忘河北之難小臣無忘巾車之恩唐魏徵琴以告太宗曰願陛下不免布衣徵不忘叔牙之為人也君臣之間當如是矣朱惜方曰願陛下無忘在齊時臣無忘渡江時

○管仲寢疾桓公問之曰仲父不幸而不起此疾彼故我將安以之鮑叔之為人何如對曰鮑叔君子也然不

可以為政其為人也好善而惡惡已甚此一惡終身不忘漢竇嬰為丞相籍福賀嬰因弔曰君侯資性喜善疾惡方今善人譽君佳故至丞相然惡人衆亦且毀君侯君侯能兼容則幸久不能今以致去矣孔子曰伯夷叔齊不念舊惡怨是用希假令齊執政其不免亦容惡乎善惡敵也水火不容容誰能兼之嗚呼惡直醜正實蕃有徒盜憎主人民惡其上音人之言有明驗矣君子何以愛此恩欲已出怨使誰歸君子之善善長而惡惡短也其無意乎桓公出遊見亡國郭氏之壘而問於野人野人曰郭氏善善而惡惡桓公曰善善而惡惡人之美行也其為誰何也野人曰郭氏善善而不能行惡惡

而不能去是以爲疑也子路問孔子治國之道子曰在於尊賢而養不肖子路曰范中行氏尊賢而養不肖其亡何也子曰范中行氏尊賢而不能用人而養不肖其亡也雖欲無亡得乎諸葛孔明之治蜀能度外用人而繩人之法未嘗不嚴李嚴之死而不怒非諸葛之開誠布公見於平昔之舉措其何以服其心哉

○老泉著管仲論曰仲之疾也公問之相嘗是時也吾以仲且舉天下之賢而英言不過曰豎刁易牙開方不可近而已以爲仲罪吾觀仲書暨列子呂氏春秋先秦諸書載仲臨死之言所以薦隰朋者不一而足然則仲曷嘗不舉賢以自代哉老泉稱仲書論鮑叔賓胥無之

短而不及隰朋之長何也天之生朋以爲夷吾舌也其身死舌焉得生仲有以知桓公之不能用其言矣

○管仲論三豎非人情不可近而桓公卒近之三豎卒以亂齊樂羊爲魏將伐中山中山人殺其子而遺之羹樂羊食之中山遂降魏文侯賞其功而疑其心疑之誠是也梁車新爲鄴令其婢往見暮而門閉因踰郭而入車新則其足趙成侯以爲不慈奪之璽而免其令免之誠是也

○鄭武公欲伐胡乃以其子妻之因問其臣曰吾欲用兵誰可伐者關其思曰胡可伐馮戩關其思曰胡兄弟之國也子言伐之何也胡君聞之以鄭爲親已也而不

備節鄭人襲用取之鄭人非不用其臣之謀也而關其
思以戮非以其謀之忠戮也以售詐也其子非不愛也
而胡以滅其所以為親愛者非也以市則也嗚呼春秋
之時而有是以鄭武公之賢而有是也後世何歎焉
○孟孫獵得麋使秦西巴持歸其母隨而鳴秦西巴不
忍縱而與之孟孫怒而逐秦西巴居一年召以為太子
傅左右曰秦西巴有罪於君今以為太子傅何也孟孫
曰夫一覺而不忍又能忍吾子乎魏文帝納甄氏生
子叡而甄氏被誅帝與叡獵見子母鹿帝親射殺其母
命叡射其子叡泣曰陛下已殺其母臣不忍復殺其子
帝為惻然乃立叡為太子孟孫不云乎不忍之心人皆

有之所患不能推耳入之心皆有此仁也故惟仁能易
感人仁莫切於親親也故惟親最易見仁秦西巴不忍
於麋之母雖迂李孫之意而卒召以傅其子曾轍不忍
於鹿之子遂能回文帝之情而侍立為太子然則四人
者孰無不忍人之心哉能推是心則仁不可勝用矣他
日轍為帝郭夫人有寵而毛后以愛賜死其為忍乃
有甚於其父之所為者夫婦之愛而弗終如是是心何
在欲推之於政及人與物其可得邪
○孟孫獵得麋秦西巴放之還孟孫屬以持歸之言而
孟孫卒召以傅其子曰君不忍麋之子能忍吾子乎唐
楊憑為太子夷簡所劾貶臨賀監人無往視者徐無獨送

憑蓋曰不顧夷簡之怒而夷簡復表用之曰君不負楊
賀監言負國乎宋趙蕃受學於劉清之清之守黃州乃
求監安仁贍軍酒庫因以卒業至衡而清之罷歸祠
從清之歸其後負德秀書之國史曰蕃於師友之際蓋
如此言負國乎嗚呼人之立心固自不可不近厚哉而
識者於此有以得其人矣

○齊景公嘗夢星使常伯鸞禳之晏子曰星又將出其
星之出庸何懼乎此非善曉君之言彗星之出而能懼
寺可無出矣不惟彗星其災何旃晏子宜曰彗星不可
以人禳君盍脩德自禳之君不脩德寺又將出

○韓詩外傳楚熊渠子夜行見寢石以為伏虎弓射

之沒金飲羽下視其石也因復射石矢摧無跡渠子見
其誠心金石為之開而况人乎王充論衡作養由基見
寢石以為虎射之飲羽精誠所感不過入一寸耳今勇
夫卒見寢石以手推之能令石有跡乎充之所辯固哉
漢書李廣守北平出獵見草中石以為虎而射之中沒
鏃視之石也明日復射之石不能入矣葛洪西京雜記
洪以問揚雄雄曰至誠故金石為之開洪曰昔陳編入
山采薪見墓前石馬謂鹿也斧缺折石馬不傷傷者
亦不成何金石所感偏乎雄無以應之此事正不當舉
其似者為以故春後周書李遠嘗校獵步迴見石叢薄
中以為伏虎射而中之鏃入寸餘就視乃石也太祖聞

而與之賜書曰昔季將軍說有此事公人後爾可謂世
載其德雖熊渠之名不能獨擅其美

○晉岸官事以趙世家在景公三年乃春秋晉宣公
十二年也又十五年殺岸賈復趙武曰邑春秋成公
八年也是年春秋書晉殺其大夫趙同趙括左傳并記
之武復田邑事註云終就之耳非此年也史晉世家同
左傳而趙世家不知何以又相補鑿如此同括之死春
秋書晉殺之不曰岸賈者不罪賈之擅殺也吾父之
賊未討世仇之可也亂臣賊子人人得而誅焉賈之殺
之所以為晉則雖曰晉殺之可也嗚呼趙皆之罪於太
史秉筆之日有定獄矣肯歸不討牙太史以為我首晉

嗣君諸大夫之不討皆其無非乎皆獲考死備下晉於
是乎失刑矣賈一人蘇力弗及報仇其敵而報於其弟
若子晉於是乎失刑矣春秋書殺大夫非謂同括而無
罪也以譏晉也吾於賈乎何尤

○程嬰既立趙氏後欲自殺下報宣孟與公孫幹曰趙
武帶泣固請嬰曰不可彼以我為能成事今不報為不
成遂自殺也或曰過哉嬰之自殺為死者有知也死者
識有知趙武後來之事宜無不知而後我報乎死者無
知也而或何報乎或曰嬰之請下報者欲以死自見其
義耳欲以死見下官之難非其不能故耳春謂趙武之
事嬰於其之今日事以嬰不忍獨生而食武報故耳知

否非所計也嗟夫死生亦大矣古人不肖次人一死如此其心不為安一日之生如此

○晉及齊戰于鞏齊師敗績晉師歸范文子後入武子曰無為吾望子也乎對曰師有功國人喜以逆之先入必屬耳目焉是代帥之名也故不敢武子曰吾知免矣卻伯見公曰子之六也六對曰君之訓也二三子之力也臣何力之有焉范叔見勞之如卻伯對曰兵所命也克之制也燮河方之有焉樂伯見公亦如之對曰燮之詔也士用命也書何力之有焉晉及鄭戰于鐵鄭師敗績趙簡子曰吾伏殺嘔血鼓音不衰今日我上也衛太子曰吾披土於車退敵於下戎右之上也鄭良曰我兩

朝將絕吾能止之我御之上也君子觀晉及齊及鄭之戰諸子處功名間一則曰何力有焉則莫不致其讓焉一則曰我上也則莫不致其競焉其儕輩同然一辭其得其失不亦自可見其端乎書曰爾惟不矜天下莫與汝爭能爾惟不伐天下莫與汝爭功

○嗚呼烈士殉名夸者死權忠詐之在人雖臨殛而不能自己也史魚病將卒命其子曰吾在衛朝不能進遠伯玉退彌子瑕是吾不能正其君則死無以成禮我死汝置尸牆下於我畢矣於是靈公弔而問之其子以告公曰寡人之過也殯之客位道遠伯玉而退彌子瑕此以尸行其忠者也吳起相楚人楚之貴戚盡欲害起及悼

王死宗室大臣攻起起走之王尸而伏之擊起之徒因射刺起并中悼王既葬太子立蓋蘇射起而并中王尸者蘇秦在齊齊大夫多與爭寵而使人刺之不殊而走齊王求賊不得蘇秦將死謂齊王曰臣死後王車裂臣殉於市曰蘇秦為燕作亂於齊如此則臣之賊必得矣齊王如其言殺蘇秦若果自出王因而誦之此以尸行其詐者也嗚呼可畏哉

餘冬序錄卷六

餘冬序錄望臯卷之七

內篇第七

柳燕泉何孟春撰述

男國學生仲方編輯

鮑焦衣敝膚見擊番採蔬遇子貢於塗子貢曰吾子何以至於此乎吾聞之非其世者不生其利汙其君者不食其土非其世而採其蔬詩曰普天之下莫非王土此誰之有哉鮑焦遂無其世而立槁於洛水之上嗚呼賢者重道而輕身廉者易理而輕死如此夫伯夷叔齊耻食周粟去隱於首陽山採薇而食之遂餓而死夷齊之徵非周上之志乎世益有以子貢之言議夷齊者孔子不云乎觀過斯知仁矣

鮑焦事見詩卷四而食野井而

飲非吏而無不... 孺作治吏論曰天下歸自天之命也... 齊言太祖與崔思祖言曰不食周薇古猶發議在今安... 得急謀是知為是論者前有人矣... 湯且三及... 乙亦言... 路而... 其常... 之心... 之清者而猶不免後世之指摘可畏哉彼鮑焦所謂效... 馬齊者非邪斯過乎中者也聖人之道中而已矣... 齊... 本也於是... 義不食周粟此亦問之草... 所詰正與同矣

○君子修身之道在乎隨事加首言與物未有無因而至吾前者無因而至君子必自反也魯君問柳下惠吾欲伐齊何如柳下惠曰不可歸而有憂色曰吾聞伐國不問仁人此言何為至於我哉齊傷榘女來造晏子之門晏子曰嬰具有滿色乎何為鬼齊殆有悅內之志哉柳下惠之所以自文如此楊伯起故人之金得至其門莫能無內自訟邪

○扁鵲過齊齊桓侯客之入朝見曰君有疾在腠理不治將深桓侯曰寡人無疾扁鵲出桓侯詔立石曰醫之好利也欲以不疾者為功後五日扁鵲復見曰君有疾在血脈不治將深桓侯曰寡人無疾扁鵲出桓侯不悅

後五日扁鵲復見曰石有疾在腸胃不治將深桓侯不
應扁鵲出桓侯不悅後五日扁鵲復見望見桓侯而退
走桓侯使人問其故扁鵲曰疾之居腸理也湯剋之所
及也在血脈鐵石之所及也在腸胃酒醪之所及也在
骨髓雖司命無奈之何今在骨髓臣是以無請也後五
日桓侯體病使人召扁鵲扁鵲已逃去桓侯遂死太史
公曰使聖人預知微能使良醫得早從事則疾可已身
可活也桓侯豈非周子所謂諱疾忌醫寧滅其身而無
悟者哉蘇軾告其君曰言之於無事之世者易以有所
改為而常患於不信言之於有事之世者易以見信而
常患於不及改為此忠臣志士之所以深悲天下之所

以亂亡相尋而世主之所以不悟也嗚呼此桓侯扁鵲
之事也軾他日又曰天下之患莫大於不知其然而然
不知其然而然者是拱手而待亂也天下有治平之名
而無治平之實有可憂之勢而無可憂之形此其有未
測者也今夫病者悅然而不樂問其所苦且不能自言
則其病有深而不可測者矣其言語飲食起居動作
固無以異於常人此庸醫之所以為無足憂而扁鵲倉
公之所以望而驚心嗚呼此桓侯之事也三代而下中
材之主能決不為桓侯者又矣此蘇軾之所以為憂而
以告其君者也

○齊臣梁丘據之諫景公也於內房晏嬰之諫也於外

朝而景公親掩然據伎而嬰忠也趙
也簡子謂其必於無人之所尹鐸之諫也質於衆中必
使其婢以爲厥也愛我諱也不我愛而不知厥回而鐸直
也宋朝宰相奏事留身君子德在可說死小人也
○晏子春秋齊景公使人養所愛馬馬暴病死景公怒
欲殺養馬者晏子曰請數其罪然後殺之於是數之曰
爾有罪二公使汝養馬汝殺之當死罪一又殺公所愛
馬當死罪二使公以馬之故而殺人百姓聞之怨吾君
諸侯聞之輕吾國汝一殺公馬使公怒積於百姓兵弱
於鄰國當死罪三公謂然曰赦之劉向說苑景公好弋
使嬖鄒主鳥亡之公怒欲殺之晏子曰請數之以其罪

乃殺之於是召嬖鄒於上前曰汝爲君主鳥而亡之一
罪也使吾君以鳥之故而殺人二罪也使諸侯聞之以
吾君重鳥輕人三罪也公止勿殺而謝之此特是一事
傳者異詞耳東方朔別傳武帝時人有殺一豚屠者帝
怒下有司殺之朔曰是人罪當死者三伏陛下以鹿故
殺人一當死使天下聞之皆以陛下重鹿輕人二當死
匈奴亦有志惟鹿獨之三當死然然殺鹿者罪東方朔
方朔之言曰陛下之智也此視方朔而強諍者何如哉史
記滑稽傳曰楚王所愛馬病死使群臣衣之欲以棺
槨大夫謂楚王之下今有敢以馬槨者死慶立入哭曰馬
者三所愛也是國之大何求不而以大入禮葬之薄

請以八君禮葬之。侯聞之，皆知大王踐人而貢一馬也。
三於之，以而為大官，無令天下久聞也。秦皇自三晉議欲
大邑而傳，曰：「善。」縱禽獸其中，冠從東方來，一侯罷，
之足矣。始早以女無止，漢武帝少時，乳母去，武侯母者，
帝壯，謂之「大乳母」，家犯法，當徙，母入辭，去，云：「女數
還，願郭舍人罵之。」曰：「若女之，何不疾行陛下已，尚須
汝乳而活邪？」尚何還，願於是人主憐焉。下詔無徙乳母，
太史公所謂「談言微中，亦可解紛者」也。夫三優之言，則
善矣。嬰朝二子，吾不能無識。君子引君當道，所以陳善
閉邪者，不如是也。二子之言，其不近優矣乎。
事物紀原可
事自遠可

○晉敗齊師，齊侯入壁，司徒之妻問君免乎，曰：「免矣。」
司徒免乎，曰：「免矣。」曰：「苟君與吾父免矣，可若何？」乃奔齊。
侯以為有禮而封之。雖然，壁司徒其所天也，臣之於君，
子之於父，妻之於夫，皆天之所在，禮有序及義，無偏視。
壁司徒之妻，問其君父之餘，獨不當問其夫乎？雍糾之
妻，問其母曰：「父與夫孰親？」其母曰：「父一而已，人盡夫也。」
嗚呼！此所以為亂之道也。
○國語載公父文伯卒，其母戒其妾曰：「吾聞好內女死
之，吾子夭死，吾惡其以好內聞也。」二三婦從禮而靜，是
昭吾子也。其言如此。戰國策則云：「公甫文伯病死，婦人
為之自殺者二八，其母不哭也。」曰：「孔子賢人也，遂於魯。」

是人 不隨今死而婦入死者十六人 是其於長者薄而婦人厚也 豈文伯母戒其妾後而復有死者 故有是言也 耶文伯母能以令德明其子者 吾知其無是言也 擅弓篇 穆伯之喪 敬姜晝哭 文伯之喪 晝夜哭 又曰 文伯之喪 敬姜據其床而不哭 何哉 考韓詩亦云 爾承妾而誤也

○楚費無忌讒殺伍奢 白州犁而吳侵境不絕於虓群 臣皆怨於是 子常 用司馬成言 與昭王共殺無忌 滅其族 國人乃謗止 後吳再伐楚 入郢 昭王奔鄖 而卒返國 楚得不亡 人知吳入郢者 信讒之報 而余以為 昭王之得不亡者 又誅佞人之力也 吳王夫差 聽用宰嚭 殺伍

子胥 王孫駱聞之不朝 王召問駱 悵然悔殺子胥 而欲殺 駱於是駱復止之 夫差之近邪 遠忠 驚戾不明 久矣 至是因駱一言 悵然有悔 而駱以殺 駱為二子胥何其悖也 謂亡國有證 殺 駱無益可也 神人之忿 獨不當以少謝乎 考左傳 子胥之死 與吳越 春秋夫差悔殺子胥 而欲殺 駱 皆在魯哀公十二年 而吳之十三年也 明年始有黃池之會 使 駱先已誅死 太子友之諫 可入其事 當止 越不得乘虛而為 熊夷之師 矣 吳亡在哀二十二年 駱而果有為者 與王誅 駱而反前之為 睦鄰 卹民 十年之間 雖遭越患 豈遽至不能國哉 楚得不亡 而吳亡 楚能誅無忌 而吳不誅 駱之分也 駱 吳之宗室 臣也 處

思邪間蓋獨知之而贊助攘斥之功不少槩見何哉伐
齊之役前勝未期內敗已告而駱猶勸王前進執諸侯
之柄以求其志行事如此則亦齷之類耳肉袒膝行請
成于越不得涕泣而去善謀人國者豈至是乎視司馬
成子常輩死有餘辱矣

○左傳楚平王為太子建聘於秦費無極與逆王聽無
極言遂自取之無極自知闖罪於太子建矣無極之讒
蓋自茲始然則太子建伍奢父子之死之亡嬴氏其禍
基也平王卒令尹子常以太子士弱其母非嫡也子建
實聘之子西長而好善欲立子西子西不從乃立昭王
明年殺費無極未十年而有柏舉之役吳入郢壞宗廟

漢陳器據平王之墓君履其
夫居其夫之寢而妻其夫
夫之妻蓋有欲妻其君之
母者此其禍亂其基之也列女傳楚平王伯嬴者昭王
之母也吳入郢昭王亡吳王闔閭盡妻其後宮次至伯
嬴伯嬴持刀曰妾聞天子者天下之表也公侯者一國
之儀也天子失制則天下亂諸侯失節則其國危夫婦
之道固人倫之始王教之端是以明王之制使男女不
親授受至不同席食不共器殊絕如美巾所以絕之
也若諸侯外燕若絕卿大夫外燕若放亡庶人外燕者
官割男女之失亂一與焉夫造亂亡之端公侯之所絕
天子之所誅也今石王奪漢表之行縱亂亡之欲犯誅

絕之事何以行今訓民且妾聞生而辱不如死而祭於
是吳三愆遂退舍伯嚭與其侖聞亦巷之門皆不釋
兵三旬秦救至昭王乃復嬴氏蓋非不明天婦之道者
而見獲於所聘之夫之父人倫亂焉以基無辜之大禍
所以辱其生者是吳闔閭當日若敢問前事何辭以對
嬴氏之言足以慙吳王持刀閉門足以自察而不能誓
死若入楚之時吾不知其何也

○吳伐楚子胥陰令宣言於楚曰楚用子期為將吾即
得而殺之子常用兵吾即去之楚聞之因用子常退子
期吳拔六與潛破楚入郢秦攻趙應侯使人行反間於
趙曰秦之所惡獨畏馬服子趙括將耳廉頗易與且降

矣趙王因使括代頗將以擊秦秦大破趙軍於長平降
其卒四十萬人嗟乎常之不如期頗之勝括敵國能知
之為其君與其同國之臣而獨不知何邪二國之致亡
人皆曰聽言之過也而春以為不知人之罪也

○伍子胥以吳伐楚入郢求昭王不得攝平王墓鞭其
尸父讎報矣獨處宗國有未盡者昭王之出奔也鄭人
欲殺之隨人欲殺之子胥是時若復假圖問方立公子
勝而君其國謝去吳師莫不既定矣乎而秦兵何
辭以知我吾之所謂則行而逆施者莫不可善終子子
胥此舉死生以之父兄之仇既報其身尚惜昔者程嬰
事成而自殺晉讎已立驍相之可也以死下報父兄告

成事焉可也而慮不及此卒乃刎頸屬纊之劍等死耳
死非其所惜哉

○伍員將兵伐楚五戰入郢都平王墓出其尸鞭之三
百然後已何子曰子胥此舉能報父之讎矣而君之讎
亦不可不報也卒遂故楚太子子胥父子皆寧之固嘗
以為君矣鄭發其墓則我與鄭亦不當共葬天者也豫
讓之於襄子而伯子胥之公平王也扶也首入塗例必
欲得其肉而驚之則報君之讎亦當如報父之讎也而
子胥子鄭乃不一問何耶彼豈其勢之不可耶則伐楚
之師迅奮震蕩威靈乎遐邇而其衝者視驚膽碎立擣
郢都如風掃敗葉以楚素號強敵且莫能及如此矧區

區瑟宿^宿被之鄭乎其勢易於豫讓多矣子胥誠當此
時反旆而西救其伐楚之師而為問鄭之舉吾知鄭之
君臣將延頸待罪耳心而服斧鑕我於君父之讐可脫
腕而兩報之矣何謂勢不可哉或曰此非子胥之所得
專也所以號令而驅使之者闔廬也子胥雖欲報君之
讐其將遂乎噫子胥亦不欲報君之讐耳如子胥欲報
君之讐而言之闔廬必從之而代鄭矣何以知之鄭黨
於楚而踈於吳非有婚姻之雅手足之接意闔廬之所
不厚者也闔廬擊楚將子常而鄭匿之此充闔廬所甚
忿憾而不平者也忿憾不平之心既存而又人從而啓
之如蓄火然人則風之則其發也必暴而不回子胥為

閻廬師之任伐楚且隨之矣復何慙於鄭哉於楚而
勝之矣又何憂於鄭哉嗚呼此忠臣義士所以不能不
深為子胥惜也吾觀子胥之自勉與其兄之勉之者忘
專在於報父之讐而已然其亡也不之他國而之宋以
佐太子建而奔鄭建遇害於鄭則又與建之子勝奔吳
迫於昭關而不忍棄並耕於野者五年而不忍離則其
心亦易嘗一食肯忘君哉而歎不報君之讐也方昭王
之出奔也楚之宗祀無人矣子胥能盡縛羊氏之族而
碎於刃乎能盡挈全荆之版圖而歸吳之囊橐乎殺乃
公者平王也至若建則故楚太子而子胥所親以為君
者也建之以讒去國人益憐悲之矣今其子勝存焉使

子胥而立勝國人其有不願戴者乎夫如是縱閻廬不
聽吾伐鄭而吾得與勝圖為後日之舉亦未為遲矣此
心昭昭無負君父為申也胥者安能有辭以責我為秦
哀王者又安能以兵加我哉何子胥其不此計也張良
之從沛公蓋欲為韓報讐也子嬰誅而成王立則復辭
漢而歸韓萬世之下稱其有不忘故主之義而功名次
之子胥能若是乎則又可以塞宰嚭之口卻厲鏗之劍
於夫差之世矣豈但申包胥之無辭而秦夏王之不加
兵哉子胥既死勝歸楚欲伐鄭而不克殺令尹子西而
遂大亂卒之白刃山林棄骸無掩豈不痛哉噫子胥既
不報君之讐又不立君之子是以既不能保己之身而

又遺勝之辭夫差固無顏以見子胥也子胥亦何顏以見太子追哉

○楚平王殺伍奢奢子員以吳兵入楚遂鞭平王之尸
晉文帝殺王儀儀子哀未嘗西向而坐示不臣朝廷也
哀同時有嵇紹者父康亦為文帝所殺紹用山濤之薦
復為晉臣晉史以哀列孝友傳紹列忠義傳桓溫之言
既為忠臣不得為孝子者其信乎康臨刑謂紹曰山公
在汝不孤矣紹所以聽濤之舉蓋其父意不然棄父事
讐之罪紹不得以山公之言而自解也噫子胥生楚哀
生晉者也君非罪殺其臣而其子得讐焉以孝治天下
者其無傷人子之心哉

○越王勾踐以種蠶計滅吳而霸蠶謂種曰越王為八
長頸鳥喙可與其患難不可與其富貴而種不夫後卒
被誅唐玄宗以王琚等計受內禪功封國公昔妾特異
或說帝曰王琚亦宗誦說縱橫可與履危不可與共
安帝遂疎之定稱越無恩信矣如琚等之下獲善終亦
豈玄宗無恩之故哉或曰種蠶之才不用其奇則厭然
不滿斯人誠不可兵治平然則君臣之間每以自反可
也

○下和獻璞而兩遭則所以遭則者璞累之也然則和
何其不能忘情於璞也加以為此有玉焉下識之則已
既識之則不得不獻之也何也和以為此二於此璞中

人莫識也而識之者茂也。三季我識之而六不識之則
我負此三王將無所復也。我罪則重於下識者此所以
尚遭則而猶獻也。嗚呼世之人孰有如此之用心者耶
何但乎感文仲子西是嬰之得罪於後世也。世之人素
何不如和之用心。吾不見為賢之得罪也。

○楚子發好未救道之上而善為偷者。仁禮焉。公孫龍
願與有能者遊而能呼者與。稽焉。子之善為偷者
却齊師而能呼者通。無使然則。鷄鳴狗盜。田文之所不
棄而亦獨其力者。蓋其人其時乎爾也。

○臧孫行猛政。子貢非之曰。子政猶張琴瑟也。大絃急
則小絃絕矣。是以位尊者德不可以降。官大者治不可

以。小地廣者制不可以狹。民衆者政不可以苛。獨不聞
子產相鄭乎。其掄材推賢抑惡而揚善。故有大畧者不
問其所短。有厚德者不非其小疵。其牧民之道。養之以
仁教之。以禮。因其所欲而與之。從其所好而勸之。賞之
疑者從。重罰之。疑者從。輕遼。蕭韓家奴。重熙中為彰愍
宮使。帝問卿有異聞乎。對曰。臣惟知炒栗。小者熟則大
者必生。大者熟則小者必焦。使大小均熟。始為盡美。不
知其他。韓家奴其亦有得於子貢之所言者否也。

○衛端木叔。籍其先貲。放意所好。及病無藥石之儲。死
也。無瘞埋之資。禽滑釐笑其狂。而段干生以為德過其
祖。賜漢揚王孫家。故富饒。厚自奉養。及病且死。令其子

裸葬以反吾真初侯諫之弗聽而班史氏以為賢於秦
始皇陶明淵詩云客養千金軀臨化消其寶其二人之
類與東坡曰寶不過軀軀化則寶亡矣人言靖節不知
道吾不信也端朱叔楊王孫豈知道者吾欲矯世而已
矣王孫西京雜記名貴

○琴張欲吊宗魯孔子曰齊豹之盜孟縶之賊女何吊
焉南軒曰琴張只見宗魯死便以為難事不知其不義
也子路為孔悝死始初不知所擇雖謂之不得其死可
也

○朱平漫學屠龍於支離益殫千金之產二年使成而
無所用其巧也班伯樂教其憎者相千里馬教其愛者
相駕馬以千里馬世一有其利少駕馬多其利多也
然則為學者其可恃絕藝乎教人者其專在上品乎
亦曰期於適用而已

○楚公子以昭過宋門有難之其僕操彘而罵曰隸也
不力門者出之蘇東坡謂事固有創行而逆施者以僕
為不愛公子則不可以為事公子之法亦不可也晉元
帝為瑯琊王至河津為吏所止從者宋典後來鞭帝馬
而笑曰令臣以官祭貴人汝亦被拘耶吏乃慙過宗王歡
討王恭敗走少子華隨汝州曇首逃匿後漢衣襟從後
津邏疑而米黑華曰奴子急行不及我以袂袖之數十
由是得免來頭定矣襄陽不成而死子幼歲於沙門將

以出關關文以善中人沙門杖而語之遂之九後周宇文
泰與侯景戰河上而逸墜地李德見之以策以未嘗曰
籠凍軍士爾若日主何在爾獨住此後者不疑其為負人
與之馬俱還之皆疑於楚公子之僕者也事有倒行而
逆施而可以脫人之難者也夫苟可以脫難雖倒行而
施之事未必非良計也

餘冬序錄卷七

餘冬序錄塞耳卷之八

內篇第八

柳燕泉何孟春撰述
男國學生仲方編輯

管仲引詩云豈不懷歸畏此簡書簡書同惡相恤之謂
也韓宣子曰同惡相求如市賈焉叔游曰鄭書有之惡
直醜正實蕃有徒嗟夫徒之蕃而以相求而相恤於正
直也何有蜂蠆有毒皆能害人况惡黨乎可畏哉
○百里奚愚於虞而智於秦豫讓苟容於范中行氏而
著節於智伯其用之者使之然也
○宋襄公一命而霍三君又用諸淫昏之鬼滅天道矣
泓之戰乃欲不重傷不禽二毛不以阻隘不鼓不成列

真盜跖之仁義也

○衛靈公死卜葬於故墓不吉卜葬沙丘掘之數仞得石槨洗而視之有銘曰不憑其子靈公奪而埋之夫靈公之為靈久矣見莊子漢滕公夏侯嬰死送葬至東都門外駟馬不行踏地悲鳴即掘馬蹄下得石槨其銘曰佳城鬱鬱二千年見白日于嗟滕公居此室乃葬斯地謂之馬冢博物志葬有銘從古而然古人鑄造器物皆有款識石槨之銘蓋款識之類爾據銘所言豈識緯之書從古已有此術邪

○東坡謂范蠡去越不能復有所為而黃東發以為蠡功成身退徙齊徠楚復皆顯名於天下材識卓卓出春秋戰國之上向使不以致產自見而退逸山林豈不誠有道之士耶雖然春秋戰國近五百年以功名始終者蠡一人耳張孟談既為趙襄子滅智伯而去之耕於負親之丘可與蠡五湖同風

○豫讓之事史記以次專諸而傳之刺客致堂胡氏謂馬遷淺之乎知讓矣讓之報讐無所為而為非特可為委質事人之法雖大學之道亦不過是春以為不然春少時有論其畧曰士之為士其自立必有非人之所能變者讓視范中行氏智伯之所遇而為之報未見其能自立也我誠國士也彼不我知若何苟焉事之既事之其可苟焉去其所事我當彼國士之遇而不能先事已

其亂救其亡其何以當其所遇瑤之不仁輔果能知之韓
魏之必反絺疵能知之而讓顧弗能知何以稱國士韓
之喜志憂色讓其知之而言之矣讓言而智伯弗聽智
伯之遇讓非知讓也而讓弗以死諫又弗去何也讓惡
夫爲人臣懷二心以事君者讓之事其君也君遇以衆
人即報以衆人君遇以國士始報以國士非二心耶君
子於其所不安不能一朝居也讓之去范中行氏而事
智伯豈君子之所能安者耶人命不可知方來之事會
在天不在已使讓而死於范中行氏已滅之際智伯未
亡之前狗彘之行吾不能爲讓頃刻而瞑目也而論者以
讓之事足爲委質事人之法今有人焉食人之食而不

死其事問之則曰彼衆人遇我我不得爲國士之報也
而可乎今之論讓者曰人惟無所爲而爲者其善必誠
其忠必盡而讓非其人也讓不能知韓魏之必反無貴
於讓知而不言非所以望讓言而智伯弗聽則智伯之
遇讓也不過利祿之所使異於范中行氏之所遇耳讓之
爲之報讐之深也其善誠是其心亦特不忘其利祿之
優異而有激於義耳讓之言曰吾所爲將以愧天下後
世之爲人臣懷二心以事其君者豈非爲名譽而爲
善之人哉刺客傳讓吾無用議子長之失矣

○柱厲叔死晉欽公之難曰吾將以醒後世之人主不
知其臣者也豫讓報智伯之仇曰吾將以愧天下之爲

人臣懷二心以事其君者也。舍生取義，二臣之節可尚。已而必曰：將以醜將以媿，非賢者之言也。

○屈原既放，遊於江潭，行吟澤畔，顏色憔悴，形容枯槁。漁父見而問之曰：子非三閭大夫與？何故至於斯？屈原曰：舉世皆濁，我獨清；衆人皆醉，我獨醒。是以見放。漁父曰：夫聖人者，不凝滯於物，而能與世推移。舉世皆濁，何不溷其泥而揚其波？衆人皆醉，何不鋪其糲而飲其醪？何故懷瑾握瑜而自令放為？昔者紂為長夜之飲，七日七夜，死亡曆數，不知甲乙，問於左右，莫知使問。箕子其子謂其私人曰：為天下主，而一國皆失日，天下危矣。一國不知而我知之，我其危矣。亦亂以醉，箕子非夫漁父。

所謂聖人者歟。茲箕子所謂佯狂者歟。蔡妙德先生傳云：先生嘗謂人曰：昔有一國，國中有一水，號曰狂泉。國人飲此水，無不狂。惟國主君穿井而汲，獨得無恙。國人既並狂，反謂國主之不狂為狂。於是聚謀共執國主，療其狂疾。火艾針藥，莫不畢具。國主不任其苦，於是到泉所酌水飲之，飲畢便狂。君臣大小，其狂若一。衆乃歡然。我既不狂，難以獨立。比亦欲試飲此水矣。先生蓋有懲於三閭大夫而從漁父之教者歟。

○周赧王三十六年，秦趙會于滹池。趙王歸以簡相如為上卿，位在廉頗之右。頗曰：我為將，有攻城野戰之功，相如素賤，徒以口舌而位加我上，我見必辱之。相如聞之，

不肯與會每朝常稱病出而望見輒引車避匿其舍人
以爲耻相如曰子視廉將軍孰與秦王秦王之威而相
如廷叱之獨長康將軍戰顧秦所以不敢加兵於趙徒
以吾兩人在也今兩虎共鬪其勢不俱生吾所以先國
家之急而後私讐也頗聞之肉袒負荆至門謝罪漢光
武建武二年賈復南擊召陵新息部將殺人於潁川潁
川太守寇恂捕得戮之於市復以爲耻過潁川謂左右
曰吾與寇恂並列將帥而爲其所陷今見恂必手劍之
恂知其謀不與相見恂子谷崇請帶劍侍側卒有變足
以相當恂曰不然昔商相如不畏秦王而屈於廉頗者
爲國也今汝屬縣感供其儲酒膠執金吾軍入界一人

皆兼兩人之饜恂出迎於道稱疾而還復勒兵欲追之
而吏士皆醉遂過去恂以狀聞帝乃徵恂恂至引見賈
復先在坐欲起相避帝曰天下未定兩虎安得私鬪人
日朕分之於是並坐極歡共車同出胡氏曰議者或以
賈寇之事擬諸廉頗之讐先起於頗讐爭端也相如
降心類即引罪此所以爲賢也賈復不戰而將殺人他
境寇恂戮之天下之惡一也使復明辜必且謝過乃更
蓄憤欲手刃之逮至帝前怒猶未解殊無貞已訓救不
嚴之意待以禮而避其鋒恂則得矣復豈可與廉將軍
比乎帝當先以曲直曉之使復慚謝然後開宣慰勉聽
其自釋則充善矣穆平知府張愷嘗列此語而贊之曰

膺之譽起於類類非有以取之也類之聞義而服蘭實
感之賈寇之事復非廉將軍班固其得與相如此乎當
復部將校人於境之時史氏謂時尚平創軍營犯法率
多相容此固壞亂之後與復之初勢有所不能遽革者
復固不得辭其不戰之罪矣復之所許光武之臣也恂
既捕繫獄不以言帝又不以勸戒於後而無戮於市不
嫌於卑殺乎犯而不按非大賢君子不能恂也與復並
列將相且悉復之為人光武嘗謂復輕敵其能犯而不
校者乎使當入境之時不知其手刃之謀其勒兵之追
不在其吏士皆醉之際復則罪大矣恂其無自取之累
乎恂持善於補過而為國之言無愧於相如耳復以帝

為分之故並坐極歡亦非甚得罪於類者矣故為之評
曰相如之自屈知有國而不知有己上也善學相如者
恂也類之自反過弗得復非所及帝為分之而後釋
焉所謂微於色發於聲而後喻者抑又其次者乎效廉
蘭而不得猶可為賈寇下此則難乎其為賢矣時貴州
守臣有失和者愷為是言而責備於恂以附春秋之義
守臣有感之者春故取之

○蘭相如舉趙璧事氣蓋秦廷而揚龜山弗足之謂古
有以皮幣珠玉而不得免者况一璧乎歸趙河岳是時
宋翰文直金帛多矣不知又何益也龜山此論豈其未
見靖康之後事耶

○燕昭王封樂毅為昌國君惠王不快於毅毅奔趙趙惠文王欲與樂毅謀伐燕毅泣曰臣昔嘗昭王猶今之爭六王也若復得罪在他國終身不敢謀趙之奴隸况子孫乎趙王乃止劉備嘗舉袁煥為茂才煥為呂布所留布欲使煥作書為魯備再三疆之不許布怒以兵脅煥曰為之則生不為則死煥曰煥他日之事劉將軍猶今日之事將軍也如一旦去此復為將軍可乎布慙而止此與木乾為楛之墨已操入室之戈者厚薄為何如也

○白圭治生樂觀時變人棄我取我與而卒以致富索襲好學不應辟命棄殺人之所收收衆人之所棄

而卒以成德

○戰國魏王遣楚王美人楚王悅之夫人鄭襄知王之愛新人也其愛新人衣服玩好宮室卧其擇其所喜而為之愛之甚於王王曰婦人所以事夫者色也而妬者其情也今鄭襄知寡人之悅新人而愛之甚於寡人鄭襄知王以已為不妬也因謂新人曰王愛子美矣雖然惡子之鼻子見王則必掩了鼻新人見王而掩鼻王以問鄭襄襄曰其似惡聞王之臭也王曰得哉令劓之無使逆命漢司隸馮方女避亂揚州袁術見而悅之遂納焉甚愛幸諸婦思害其寵語之曰將軍貴人也有氣節當時時涕泣憂愁以長見欽重馮氏從之後諸婦共

綾殺馮氏繫之廁術誠以為不得志而死也遂不問婦
性陰險如此小人陰類也其妬賢害正之心根自天性
隱奸伏計竊讒機毀固有深於女婦之智之所為者誰
能早察而預覺之邪寃之死非不知也吁可畏哉可畏
哉

○西門豹為鄴令會長老問民疾苦長老曰苦為河伯
娶婦鄴三老迂掾常歲賦歛百如收其錢得數百萬用
其二三十萬為河伯娶婦與祝巫共分其餘錢持歸其
人家有好女者恐大巫祝為河伯娶之多持女遠遁城
中益空又田貧所從來久矣豹曰至為河伯娶婦時願
三見巫祝父老送女河上幸來告吾亦往送女至其時

豹之河

上三老官屬豪長者里父老皆會豹呼河伯婦

來視之顧三老巫祝父老曰是女子不好煩大巫嫗入
報河伯更得求好女後日送之即使吏卒共抱大巫嫗
投河中何頃曰何父也弟子趣之復以弟子一人投河
中言頃復使一人趣之凡投三弟子豹曰巫嫗弟子是
女子也不能白事煩三老為白之復投三老河中豹白
河三良父復欲使迂掾與豪長入趣之皆叩頭且破額
血流地頃吏豹曰迂掾起無狀河伯留客一父若皆罷
去歸矣鄴吏民大恐是後不敢復言為河伯娶婦豹此
事古今其孰有能行之者乎陳子車死於衛其妻與其
家大夫謀以殉葬定而後陳子亢至以告曰夫子疾莫

養於下請以殉葬之曰殉葬非禮也雖然則彼疾當養者孰若妻與辜得已則吾欲已不得已則吾欲以二子者為之也於是弗果用約之意即子元之意痛殺者之無辜而設是以救之也約以教止殺其法厲甚仁人君子獨無善化之術可代此者乎而至請殺數人殆於不教之虐矣子元之言要之秘足以懼夫愛死者耳匹夫愚婦之行固有慷慨一時而殺身以相從於不義者子元之言豈不有以啓之論事不折諸理之有益與否而術以懼人者竊疑非君子之所尚也

○備公孫鞅入秦為左庶長定變秦之令今既具未布恐民不信乃立三丈木於國都市南門募民能徙置此

門者予十金民莫敢徙復曰能徙者予五十金有一人徙之輒予五十金乃下令先是吳起任魏治西河欲輸其信於民夜日置表南門之外令曰明日有人償南門之外表者仕長大夫明日晏民猶相謂此必不信有一人試往償表謁起起自見而出仕之長大夫夜日又復立表令如前邑人守門爭表表加植不得所賞自是民信起賞罰鞅之徙亦起之償表意也語曰下令於流水之源君子之出令也期於順民上當天心下合人意民將自趨如不及焉有假物寓爵賞先動駭人耳目以示信之理哉信以誠見民先駭焉誠於何有令以信行信以布惠則國安而身福而廷與鞅也專用其私智為國

討怨欲善其終庸可得乎起事呂氏春秋云爾史記起
傳不載起傳云吳起猜忍人也鞅傳云商君刻薄人也
猜忍刻薄人也而信其令非信也特威劫耳人將何以
堪之太史公論起以暴刻少恩亡於楚而又論鞅以少
恩故受惡名於秦非不幸也其亦有見于是矣乎
○商鞅在秦孝公時論人不可多學為上人妨廢耕戰
至始皇遂有焚書坑儒之事此事蓋不獨出於李斯也
荀卿論法後王在審其所貴其言曰後王者天下之君
也舍後王而道上古譬之是猶舍己之君而事人之君
也其徒李斯相秦事不師古而是古非今者有辟此其
禍水之源乎

○蘇秦困不得志如趙逢其鄰子易水上從貸布一疋
約價千金隋子不與夫一布為千金之償利極厚矣
而隣子不與隋子知千金非秦所有而不知秦能有之
於異時也世人狗目見其獨一隣子耶貧賤之士空言
弗信於時方未遇如蘇秦者不亦可哀也哉衛青少時
歸其父使牧牛民母之子奴畜之有一緝徒相青官至
封侯青笑曰人奴之生得無笞罵即足安得封侯事乎
方貧賤時豈惟言不入信誠有識之者已亦不信其言
矣石勒始在田中每聞鞞鐸之聲歸告其母母曰作勞
耳焉非不祥徵也母因不期其為祥徵也王敬則母為
女巫嘗謂人云敬則上時袍衣紫色應得鳴鼓角人笑

之曰汝子得為人吹角可矣。笑之之人固不以為信也。韓世忠少時為省倉員米之役。家貧無生業。嗜酒豪縱。不拘繩檢。人呼為酸韓。五有日。昔言其當行三公。世忠以為悔已。既之。日者則誠識世忠者矣。然以以致其國。何哉。不見信也。已且弗能自信。而何以望於人。然則世人希衣之家。致位通顯。則思前日受人忌。不可忘也。其有忘不可不忘之也。

○史記趙平原君使人於春申君。趙使欲誇楚為瑋瑁。簪刀劍室。悉以味飾之。春申君三千餘人。上客皆繡珠履。趙使大慙。使者之見如此。

○戰國策蘇園即贈送。以降平原君甚忠之。邯鄲傳舍。

更子李同說平原君。今家之所有盡散。以饗士。平原君從之。得救死之士三千。李同與三千人赴秦軍。為之却。三千里。所謂李同者。非平原君平日所養之客也。然則其所去者。不獨一毛也。

○秦虎狼之國。燕太子丹所使刺秦。乃欲為曹沫劫齊。桓之事不可則因而刺殺之。豈不謬哉。昭王嘗仇齊矣。樂毅嘗為燕用矣。丹不知效法先王之禮賢。而軻非其人。也。函於期之首。為使秦之資。是燕仇秦報而先為秦報仇也。軻之事成。不足賢也。燕之忠固在也。軻事不成。而累丹以不義。乃使燕之社稷耶。馬遷傳刺客五人。軻其至拙者。或曰子房用但擊事不成。與軻何異。子房報

君仇之大義則震動乎天下矣其不成天也以秦之法
今大索十日而心上失良竟不能得良之賢深矣博浪
沙中祖龍無完魄矣他日佐漢威秦惟樞策皆沙中
一擊之餘事耳軻之何敢望良

○戰國策楚人有兩妻者人挑其長者長者嘗之挑其
次者必者和之居無何有兩妻者死客謂挑者汝娶長
者乎必者乎曰娶長者既為我妻則願其害人也嗚呼
此人情也在已與在人異觀而不正之人終必人之所
棄也史記刺通見曹國曰婦人有夫死三日而嫁者
有幽居守寡不出門者足下即欲求婦何取曰取不出
門者此固人情也通曰求臣亦猶是也美哉言乎是宜

丁公被戮於項亡之後而屈氏獲顯于隋滅之餘

○漢高祖入關欲擊秦燒關下軍張良曰秦兵尚強未
可輕其將屠者子賈豎易動以利願令郢食其持重寶
項秦將秦將果叛欲連和此貪者餌之利而誘之術也
陳稀反代高帝問稀將皆故賈人也曰吾知所以與之
矣乃以金啗稀將多降者此非即子房所教者乎後漢
度南擊桂陽賊至南海多獲珍寶而賊黨衆猶盛尚欲
擊之士卒驕貴莫有鬪志乃詐而焚其營積下令勵衆
徑赴賊屯遂大破平之晉劉牢之等討妖賊孫恩恩敗
走欲入海恩官軍之躡因緣道多棄寶物子女繫麗盈
目牢之等隨處收歛恩得復逃入海是知觸糜之犬不

當復顧亮也

○或問新城董公遮說漢王三軍素服之言大義皎然而張子房曾念不到此何也始漢王入秦言欲居之樊噲諫不聽子房曰秦無道沛公為天下除殘賊宜誦素為資奈何安其樂乎子房之見蓋猶是矣

○韓生說項羽都關中不免見殺而婁敬以勸漢高得封進言之難如此

餘冬序錄卷八

餘冬序錄終相卷之九

內篇第九

柳燕泉何孟春撰述

男國學生仲方編輯

凡用兵制勝在已成功在天淮陰侯故戰博殲沉沙決水之事古今戰陣中之奇勳也然天實為之以如其謀耳李左車說成安君曰韓信輔以張耳乘勝而去國遠關其鋒不可言假使臣奇兵從間路絕其輜重足下深溝高壘堅營勿與戰彼野無所掠不十日而將之頭可致戲下成安君不用信引兵下井陘遂破趙軍謂廣武君曰成安君聽足下計信亦已為禽矣吾聞善戰者先為不可勝以待敵之可勝勝兵先勝而後求戰成安君

誠用廣武君計信豈肯復下并陘乎澠水之後或說龍
且曰漢兵遠圖窮戰其鋒不可當齊楚自居其地戰兵
易敗散不如深壁令齊王使其信臣招所亡城二城聞
其三在楚來救必反漢漢兵客居其勢無所得食可無
戰而降此萬全計左車之所為或安謀者而龍且不用
信得一戰定齊地此吾所謂天也成安君謂信兵不過
數千今避不擊後有大者何以加之龍且謂信易與耳
今救齊不戰而降之吾何功二人皆不誠於敵如此不
計目前之事而為事外之計欲不亡得守信為漢將所
向無前與龍且遇時功業已半天下而猶且笑其易與
是何足與知彼已乎而為項羽將有名者龍且輩而已

羽可謂不善將將者矣

○或問陳平盜嫂事魏無知不為之辯平亦不自明有
諸否乎披平傳平兄伯常耕田縱平遊學嫂疾平不親
家事或問平何食而肥對曰食糠粃耳有叔如此不如
無伯聞而逐其妻足知平無此事也

○漢高之困於平城用陳平計使單于闕氏圖以得開
史稱平計奇秘世莫聞而應邵著其事甚悉此因桓譚
之言為之耳譚曰陳平之使闕氏必言漢有美女今困
急欲以進單于見此人必大好愛而闕氏日踈不知及
其未到令漢得脫去去亦不持女來矣闕氏婦女妬性
必憎惡而請云之此說得行則欲使神怪故匿不泄也

譚之臆度如此載國張儀誑楚地不與楚囚儀將殺之
所善靳尚謂楚夫人鄭袖曰秦王甚愛張儀而欲出之
今將以上庸之地六縣賂楚以美人聘楚以宮中善謳
歌者為媵楚王重地尊秦秦女必貴而夫人斥矣不若
為言而出之鄭袖言于懷王赦張儀此譚劄之言之所
由出而有以知平之所計者也

○漢高欲殺雍齒以子房一言而遽侯之季布鍾離昧
皆項氏亡將漢怨昧不如怨布之深也布宛轉至魯朱
家朱家能因滕公以言上而赦布昧投韓信昧素與信
善者乃捕昧以自媚漢何哉朱家之言豈信之智所不
及信之右顧不勝公輩若耶高帝能慨然許齒與布而

信不能生得昧於高帝耶昧罵信非長者且曰吾今死
公亦隨手亡矣信卒為蕭相國所紿而死於女子之手
是固有天道哉

○陳豨為鉅鹿守過辭韓信信辟左右與步於庭之所
言者令人第上變之言也豨相代蓋邊擅兵數歲高帝
用周昌言案豨客不法事豨恐始反前此信所與謀誰
當聽聞其間乃爾甚恣又何以能久不泄如此信知豨
乃帝信幸臣也而敢以逆謀言豨安能保豨及謂耳目
之不察我以為利司馬通鑑直錄為舍人第上變之言
謂是固不足信也信嘗流離等死眼中寧復有豨而
謂信為豨從中起信乃肯臣事豨以圖不可成之大事

耶又謂信使人之孫所而與家臣謀詐發兵部署已
定待孫報信之才乃當受人指揮者耶信誠有逆謀決
不使人之孫所決不待孫報以取敗謂信待孫報未登
而敗者兒婦口見誣事也或曰信反狀有無不可知後
蕭相國而為呂后謀又給信入賀聽后縛信斬之不為
一言少緩須臾以獲高帝之命何也信相國之所薦者
是特相國思自脫禍不暇何暇救信噫帝欲除信久矣
史稱帝畏惡其能此其肯心素露於左右其討孫也自
將而往信留京師豈無防信之密言屬之呂后后用一
時飛語收開國之元勳而果於行誅后與相國謀必及
帝之所屬者此相國之所以無事乎奏報也帝已破孫

歸聞信死且喜且哀喜哀之間吾知帝之欲因事除信
而有密言也舍人告彭越復謀反呂氏實使之然非后
自為也后言於帝有不如遂殺之之謀矣而後令其舍
人告越豈非亦帝之旨哉嗚呼信之誅亦然
○賈島忍死以明張敖之不反而君子惡其首為亂謀
謂罪無赦可也鄴寄說謀以給呂祿為實文而君子取
其能安社稷謂義有君親可也
○漢書朱建倚辟陽侯賭食行不正得幸呂太后或毀
辟陽侯惠帝欲誅之建乃求見等惠問建相謂說曰君
所以得幸帝天下莫不聞今辟陽侯幸太后而下吏辟
陽侯誅太后含怒亦誅君君何不為辟陽侯言帝帝聽

君出辟陽侯太后大難兩主俱幸君甚富亦倍矣於是
是聞藉孺從其計言帝果出辟陽侯歸傳漢孝王
朝求為漢嗣上書願朝太后議臣受益幸不可王令人
刺殺益事敗恐誅陽至長安因客見長君曰長君弟得
幸後宮天下無有長君行迹多不循道理者今妾益事
即窮王悲誅如此則太后初齒側目於貴臣矣長君誠
為言之毋竟烈事太后厚德長君而長君之弟幸於兩
宮金城之固也長君曰諾乘間入言之果得不治一事
一律陽之所為謀差正於建要之皆戰國之餘習也建
之為辟陽侯謀者史載陸賈實使之鄒陽之謀出於齊
人王先王陸與王戰國之士也建不終其御卒以喪身

無足道者鄒陽其才而不能不計逼所謂王長君以行
其言於上豈非世道固使然哉

○漢陳平嘗言我多陰謀道家之所禁吾世即廢不能
復起以吾多陰禍也其後曾孫陳掌以備氏親戚李廣
與望氣王朔語曰吾為隴西守羌嘗反吾誘降者八百
餘人詐而同日殺之今恨獨此爾朔曰禍莫大於殺已
降此乃將軍之所以不得侯者也後漢虞詡臨終謂其
子恭曰吾所悔者為朝歌長時殺賊數百人其中何能
不有冤者自此二十餘年家門不曾一口其獲罪於天
也宋王彥超將致政每戒諸子曰吾累為帥殺人多
矣自死得免為幸必無陰德以及後世曾勉為善事以

自庇及卒諸子果無違者宣化門內有六墓其墓皆
之矣孫克從成平士及第亦止州進史稱彦超自悔多殺重戒後
喬道平仁人之用心矣若漢陳平輩之所言者比之彥
超其用心得無亦有類焉者乎而彥超同時若曹叔真
人乃真為仁人矣為將亦在人自愛何如也

○文帝問陳平天下一歲決獄幾何錢穀出入幾何平
曰有主者上曰然則君主何事平謝曰陛下不知其駕
不使待罪宰相宰相者上佐天子理陰陽下遂萬物之
宜外鎮撫四夷諸侯內親附百姓使卿大夫各得其職
焉帝稱善丙吉嘗出逢群鬪死傷不問逢牛喘問牛行
幾里或譏吉失問吉曰民鬪死非所當禁牛喘不親細

事非所當問也方春木可熟恐牛逆行用暑故喘三公
主調陰陽職所當憂是以問之吉之自解之言與陳平
之對大抵相類其言如是而事則悖矣朱子謂平所言
得宰相體而程子亦以平為知學春以為平持所謂耳
學者其所言平繫乎未之能盡也吉起獄吏至大位知
以調陰陽為己責當時服其能知大體豈其然乎民間
殺傷與牛喘事有輕重人命之重是以上干陰陽都邑
之亂如此政教不行可知政教不行如此即陰陽不和
可知而吉顧區區於牛喘乎問何見事之不審乎言之
所言又耳之於平者耳言踵起相嚴急之餘欲得大體
之舉察於細而忽於詳吾恐知大體者之不知是惑也

○漢田叔為魯相數年以官卒魯以百金祠少子仁不受曰義不傷先人不唐杜暹為禮部尚書既卒尚書省及故吏欲賂其子暹友一不受以行又志宋蔡沉從父元定謫通州元定沒從吏議喪以還自遺之金而義不可受者輒謝却之曰吾不忍累先人也曹脩古知興化軍卒于官寘位賻錢五十萬季文泣白其母曰柰何以是累吾先人卒非不受仁可謂漢之孝廉矣孝友克肖子也蔡氏父子道學之儒也脩古季文之識乃亦爾邪其先人德之所化然也歐陽永叔為蔡高墓誌云太康主簿蔡君山卒其妻程氏一男一女皆幼縣之人哀其貧以錢二百千為之賻程氏泣曰吾家素以廉為吏不

可以此巧吾夫拒而不受予於是知君山能以惠愛其縣人而以廉化其妻妾也

○漢賈誼自長沙徵見孝文帝方受璽坐堂上因感鬼神事而問鬼神之本賈生具道所以然之狀至夜半文帝前席既罷曰吾久不見賈生自以為過之今不及也武帝時渾邪王降漢賈人與帝者坐若死者五百餘人汲黯謂口陛下不能得匈奴之資以謝天下又以徵文殺無知者五百餘人是所謂鹿其榮而傷其枝者也上默然不許曰吾久不聞汲黯之言今入侍安發矣成帝嘗與張放等宴飲禁中時乘輿坐張畫屏風畫紉醉踞妃已作長夜之樂班伯久病新起上指畫而問伯

曰紂為無道一 至是才對曰書云乃用婦人之言何有
蹠拜於朝所謂衆惡歸之者也上曰苟不善此此圖何
戒對曰沈湎於酒微子所以告去也武王既去毒六雅所
以流連也詩書滯亂之戒吳原皆在於酒上子喟然歎
曰吾久不見班生今日復聞謠言

○賈生矯矯文帝朝凡為諸侯夷狄制度風俗禮義刑
罰教太子禮大臣及食貨利害等議事之當否後當成
敗無一不備者惜乎帝弗能盡用也漢藝文志有五曹
官制五篇或以為誼所條其誼傳中所謂草具儀法悉
更奏之者歟誼欲改正朔服色上黃及施三表五斛係
單于史讚其術疏此獨非可行者歟本悔卷嘗云唐虞久

分明是遭誹誚之五斛不為則已為則須並用漢主和
親宋議金帛效固然也文帝十四年公孫臣言秦得水
德漢受之推終始傳則漢當立德其應黃龍見宜改正
朔服色上黃丞相張蒼以為非罷之明年黃龍見成紀
帝退三公并博士草改歷服色事臣之所議誼之議也
誼言欲天下治文莫若衆建諸侯少其力割地定制今
齊趙楚各為君下國地盡而止燕梁它國皆然地衆子
孫必造國而空置之頃其子孫生君之地制一定下無
倍畔心也無誅伐患帝不聽至景帝七年反叛禍莫大
焉孝武世主父偃言言者諸侯地不過百里疆弱易制
今諸侯地方千里綏則驕奢易亂急則阻疆合從以逆

京師以法割削之則逆節萌起今諸侯子弟或十數而
適嗣代直餘無尺地封顯推恩分地侯之上以德施分
其國司不能而制之於是詔諸侯王欲分子第邑者各
條上藩國始分派之所議誼之議也以誼為帝議弗用
而被竊誼遂行行焉矣故誼言之於其事先而被言之
而行於其已驗後時不同也然則誼何憾古人述作數
矣蘇子瞻亦雄千古而獨喜誼與陸贄書誼之言固犁
然有以當其心者春讀誼傳有感焉故著其事

○賈誼年二十餘至太中大夫以少年短之竟不免謫
死楊震年五十始應州郡辟命人咸謂其遲暮而卒登三
台位園花澗草于此見之學者恨不到關西耳苟有良

田何憂晚歲洛陽問世才出矯矯登朝始通終厄力足
以導江河而不極於海造物者其有忌乎吾於人何尤
○史稱張釋之為廷尉天下無冤民于定國為廷尉民
自以不冤先儒多不謂然以晁錯之誅極為濫刑趙蓋
韓楊之死皆不厭衆心為冤之大者故也又曰如其言
則于公賢於釋之釋之猶能抑番夫之賞詰罰金之罪
賢於于公多矣春按釋之傳文帝怒其罪輕釋之曰方其時上使
蹕釋之奏當罰金文帝怒其罪輕釋之曰方其時上使
使誅之則已今既下廷尉廷尉天下之平不可傾也上
從之張於當時民不冤者特下廷尉者耳釋之言不讓
於景帝景帝止釋之常自危歲餘去位是錯誅在景帝

三年釋之蓋去位久矣故在位亦不能理錯也定國立
宣帝刻數之朝趙孟益歸焉之死豈其所能救哉即事而
數之于公不如釋之者非子之罪其時不知張之時也
釋之蕭告明帝曰昔漢文帝欲殺犯蹕者廷尉張釋之
曰方其時上使使誅之則已今下廷尉廷尉天下之平
不可傾也臣以為大失其義非忠臣所宜陳也廷尉者
天子之吏也猶不可以失平而天子之身反可以惑謬
乎斯重於為己而輕於為君不忠之甚者也龜山揚氏
曰釋之論犯蹕其意善矣然曰方其時上使使誅之則
已是則開人主妄殺之端也既曰法者天子所與天下
公共則犯法者天子必付之有司以法論之安得越法

而擅誅乎唐柳渾為相主工為德宗作帶誤毀一鏽工
私市他玉是之帝識不類怒其欺詔京兆論死渾曰陛
下遷殺之則已若委有司詳讞乃可於法當秋請論如
律由是下死洪邁隨筆曰張柳之論可謂善矣然張云
上使使誅之則已柳云陛下遷殺之則已無乃啓人主
徑殺之端乎斯一節未為當也洪之言得龜山之所議
者而春以渾猶不見蕭論釋之事也春嘗考之隋書源
師煬帝時拜大理少卿帝敕宮外衛士不得輒離所守
有一主帥私令衛士出外帝付大理師據法奏統帝令
斬之師奏曰若陛下初便殺之自可不關文墨既付有
司義歸恒與脫有宿衛近侍者更有此犯將何以加之

帝乃止。又國老議竟。或問世宗時。畿縣令因部夫犯賊。受綸數百疋。欲置之死。宰相范質以具獄上。奏世宗怒。曰。法者自古帝王所制。本以防奸。朕立法。亦二賊吏。非酷刑也。質曰。陛下殺之。即可。若付有司。臣不敢署。遂貸其命。是一事。又隨筆之所未及論之者也。

○漢竇武傳。景帝弟梁孝王來朝。工以竇太后少子有寵。帝與燕飲。曰。千秋萬歲。後傳三嬰引卮酒進。曰。天下者高祖之天下。父子相傳。漢之約也。何以得傳。梁王大后憎嬰。嬰因病免。春於此。得嬰之所為。賢者汲黯傳。淮南王謀反。憚黯曰。黯好直諫。守節死義。至說公孫弘等。如發蒙耳。淮南反時。使嬰與盼尚在淮南。未必不憚嬰。

而盼向有私語。固可無事乎。說而下也。漢誅灌夫及嬰。而論夫者。又為嬰累。嬰之氣節不可沒也。盼視利賣國。而病死於事。未泄之前。竟脫夷族之罪。嗚呼。孰謂二鬼能報冤哉。

○汲黯公孫弘在漢武之朝。豈可一日而同語哉。黯嘗逢詔。弘曰。齊人多詐。無情實。始與臣等逢。此議今皆倍之。不忠。上問弘。弘謝曰。夫知臣者。以臣為忠。不知臣者。以臣為不忠。上然弘言。弘言雖汲黯之直。亦不得復與辯者。弘置事而言不取。以所以與黯辯。茲弘之所以為計。所以為不忠也。黯之知弘。審矣。他日又言弘三公。祿多。然為帝被此詐也。上問弘。弘謝曰。有之。九卿與臣。

善者無過焉然今日注語弘誠中弘之病夫三公為布
被與小吏無差誠飾詐的名知黷言且無黷忠陛下安
得聞此言上以其謙讓益尊之弘始為武帝言三公為
不節儉為布被所以飾節儉之言也而黷及之以遂
自任以詐而辭而帝益尊之黷兩言弘詐弘一下辯而
一自任一皆有術存焉小人機鋒巧於遊說如此黷稱
忠也黷之知弘審矣弘言九卿與臣言者無過黷孰有
性得少禮之人而肯善夫曲學阿世者乎弘妄稱黷善
已而匿怨以忠矣黷何小人之多術也
○公孫弘嘗言人主病不廣大人臣病不節儉弘為布

被食不重肉故人知其詐而不知其所以飾節儉之言
也武帝極意土木窮兵萬里皆在相弘之後安知非弘
之所云廣大者有以勸之乎春茲表出之以著弘罪
○漢李廣與程不識俱以邊太守將兵有名當時廣行
無部伍行陣就善水草舍止八人自便不擊刀弓以自
衛莫府省約文書然亦遠斥候未嘗遇害不識正部曲
行伍營陳擊刀斗士吏治軍薄至明軍不得休息然亦
未嘗遇害不識曰李廣軍極簡易虜方知之無以禁也
而士卒亦供樂咸樂為之死我軍雖煩擾然虜亦不得
犯我然匈奴畏李廣之畧士卒亦多樂從李廣而苦程
不識司馬溫公曰易曰師出以律否臧凶言治衆而不

用法無不凶也李廣之將使人人自便以廣之材如此
可也然不可為法其繼者難也况與之並時而為將乎
小人之情樂於安肆而昧於近禍彼既以程不識為煩
擾而樂於從廣且將譽其上而不照然則簡易之害非
徒廣軍無以禁虜之倉卒而已也故曰兵事以嚴終為
將者亦嚴而已矣然則倣程不識雖無功猶不敗倣李
廣鮮不覆亡哉春以為餘事亦然故著之

餘冬序錄卷九

餘冬序錄極壯卷之十

為篇第十

柳燕泉何孟春撰述

男國學生仲方編輯

漢武用兵漠北諸宿將才氣無能雙李廣亦然官止即
中令飲恨而死霍去病少年崛起以功致票騎將軍冠
軍侯衛大將軍後貴寵遂無云病比若何哉考其為將
廣性廉得賞賜分其麾下飲食與士其之為貳千石
四十餘年家無餘財將兵乏餼之處見水士卒不盡飲
廣不近水士卒不盡食廣不嘗食士以此樂為用去病
則少貴不省士其從軍天子為遣太官齎數十乘既還
重車餘棄梁肉而士有飢者其在塞外卒之糧或不能

自振而票騎尚穿域蹋鞠兩人志操相去如此史記廣謂麾下之言曰廣如髮與匈奴大小七十餘戰今幸從大將軍出接軍于兵而大將軍從廣部行回遠而又迷失道豈非天哉其論去病曰諸宿將所將士馬兵皆不如票騎票騎所將宿選然亦敢添入常與壯騎先其大軍軍亦有天幸未嘗困絕也而諸宿將常留落不偶由此票騎日以親貴嗚呼人事未有不由於天命者以功名之事而歸之天尚奚論哉史稱廣死時一軍皆哭百姓知與不知皆為垂涕此霍之所無也廣何恨哉廣嘗與故人論所以不侯之故故人云云廣曰吾在北平時嘗誘匈奴千人降而殺之至今為悔故人曰禍莫大於

殺降君之不侯在此夫八亦在乎自脩求所以無悔者而已矣世之人未可以廣故而墮為善之心也

○漢武帝教霍去病讀孫吳兵法去病曰為將顧方畧何如不至學古兵法三國夏侯惇父使讀項羽傳及兵書不肯曰能則自為耳父能學人家畜飛好野戰宗澤謂非萬全計授以陣圖飛曰陣而後戰兵法之常運用之妙存乎一心是皆能自立者故東甌三湯和開國名將有語及兵書者輒笑曰臨陣決機任智識敏達耳何以泥古為聞者服之深果足持乎顏祐徒讀父書而不知合變出奇覆趙全軍虜唯效古法用車戰陳虜斜之敗僅以自免宋仁宗問王德用以違事德用謂咸平景德

德中賜諸將陣圖人皆死守以空慶效願不以陣圖賜諸將使得自立異效帝是其言紹興初王德平秀州賊謀言將用大牛德笑曰是古法也一不可再今不知變此成擒耳陣交賊衆鐵馬法之不足恃也久矣

○霍去病為票騎將軍武帝欲教之孫兵兵法劉曰願方畧何如耳不至學古兵法岳飛以象義郎諱留守宗澤澤謂飛好野戰非萬全計因授以陣圖飛曰陣而後戰兵法之常運用之妙存乎一心澤是其言飛之言去病之所見也金章宗嘗謂宰臣曰人有以八陣圖來上者其圖果何如朕觀宋白所集武經其載攻守之法亦多難行夾谷清臣曰兵書皆定法難以應變本朝行兵

惟用正奇二軍臨敵制變以正為奇以奇為正無往不克大自古用兵亦不出奇正二法耳且學古兵法如學奕基未能自得於心而欲用舊陣勢以接敵其足恃乎趙括徒讀父書而不知合變出奇此其所以覆趙軍也○董仲舒曰仁人者正其誼不謀其利明其道不計其功諸葛武侯以復漢討賊為任其出師表有鞠躬盡瘁死而後已成敗利鈍非所逆睹之語論者謂武侯不問利害只求義理是其見得真處即聖賢之心也司馬溫公作韓魏公祠堂記載其言曰凡為正者盡力以事君死生以之顧事之是非何如耳至於成敗天也豈可豫憂其不成遂不為哉魏公此言視武侯心可無愧矣

苑淳甫每誦董仲舒正誼明道語以為君子行已立朝
正當如此若夫成功則天也司馬公改新法或勸防後
患公曰天若祐宋必無此事南軒張氏曰使他人答之
必曰苟利社稷違恤其他只如此言已自好而公更不
論一己利害其平生所養聖賢不過如此嗟乎此雖言
語文字之間要之其所以動天地贊鬼神者自有在也
○百里奚飯牛而牛肥見說武牧羊而羊息金日磾
監馬而馬壯見漢書雖辭足以占其才百里奚以飯牛
受知秦穆公下式以牧羊金日磾以監馬受知漢武帝
人之才固隨用而見而亦難乎其見而識之者世無秦
穆漢武雖秦龍之劉累終不過也

○漢酷吏傳稱周陽由為郡守武帝時最為酷暴驕恣
汲黯為校司馬安之文憲俱在二十石列同車未嘗敢
均茵馮司馬安吾不知其何如人汲黯傳黯姊子司馬
安文深巧善宦豈其人與本傳黯為人性倨少禮面折
不能容人之過合己者善待之不合者弗能忍見奸將
俠任氣節行修潔當武帝時曰黯為丞相中二十石拜
謁蚡弗為禮黯見蚡不嘗拜揖之張湯為廷尉黯質責
湯於上前又面觸丞相弘等懷詐飾智湯刀筆之吏其
言一不少借大將軍者既益貴姊為皇后然黯與亢禮
黯之為人如此以蚡貴之勢弘湯方柄用而黯無所屈
顧獨避讓一酷吏何之黨與由之不合可知者黯與同

車當鳴其面去之何約齒馮之有等而謂黜未嘗敢焉
誣亦甚矣山為府視都尉如今為都尉陸人守奪之治
史載由恣橫一至是然使由過黜亦自不敢迺爾黜初
任孝景時以嚴見憚武帝嘗怒黜黜然特加禮敬不冠
不見也嚴助稱黜之節貴有常能奪弘湯疾黜欲誅之
以事竟不可得大將軍聞黜賢數請問以朝廷所疑淮
南王諱反以憚黜不發衛人任者皆嚴憚黜出其下彼
周陽由何為者耶

○漢武帝病愈見未央殿馬瘦怒廐令上官桀欲下吏
桀言聞聖體不安日夜憂懼意誠不在馬繼之泣下上
以為忠由是親近至受遺詔輔幼主帝他日又因病愈
幸井泉道不治怒石由吏或縱遂坐以他事棄市帝怒
縱時不至欲下吏持銜之則不如怒桀之甚也而縱以
死桀之泣蓋婦人之仁奸人之淚耳

○衛青為大將軍至尊重而天下之賢士大夫無稱焉
名之所歸豈在富貴李將軍廣詢詢如鄙人口不能出
辭及死之日天下知與不知皆為流涕彼其中心誠信
於士大夫也亦奚必文章藻飾為余讀史至兩人傳贊
有感焉為標出之或曰不有人功德而取富貴君子弗
道之矣贊而弗文亦何貴山谷有言數十年先生君子
但用文章提獎後生故華而不實諸生寡過可討郭林
宗傳觀茅季偉田仲乙安用文章也言於廣無憾矣

○班史公孫弘傳贊曰武帝朝得人之盛而以滑稽者則之滑稽在與造功業制禮文問何取乎東方朔當時頗有諷諍故舉文章非碌碌可比當時人物卜式輩二子豈多謙也而孟堅特目之滑稽班史於善善之義短矣

○漢武時亡父偃以上書為郎元親幸一歲中凡四遷為中大夫六臣畏其口怨遺累千金或謂偃曰大橫矣偃曰吾生不立非命死即五鼎烹耳偃後以罪誅晉桓温為大司馬嘗云思子不能流芳百世亦當遺臭萬年温後以逆終

○漢武帝拜田千秋為相因奴聞而笑之宋神宗相王

安石行青苗助役法交趾至首之露布以詆其非蠢爾外夷蓋中國所不齒也中國有失乃為彼之所輕如此君如武帝神宗臣如安石之才而有不免况其下者乎范祖禹為翰林學士時宣仁太后崩祖禹上言先后以大公至正為心罷安石惠卿所造新法行祖宗舊政故社稷危而復安人心離而復合乃至遼主亦戒其臣勿生事曰南朝專行仁宗之政矣外夷之情如此中國之人心可知願守之以壽考已以能之虛心以處之則群臣邪正萬事是非明矣而神宗不能聽其言任伯雨擢右正言時徽宗初政治兩首聖學時曰神宗先帝變故會卒輒逞異意時觀董亦不復有臣子之恭若或示諫

則天下大義不明大略不立臣聞此使言去年遠主方
食聞中國器序放管而進博善者再請願願聽用此人
此使又問何為只若是行遠以此觀之不獨孟子所謂
國人皆曰可殺難變箱之邦莫不以為可殺也而章停
竟得道其誅嗚呼宋君於是乎有媿於遠主而欲無夷
狄之輕侮難矣哉

○班孟堅作史叙漢末家者流恨人不瞻先從貧賤始
趨人之急甚於己私厚施而薄望既以報人之命不矜
其功可謂賢矣而類之游俠卜式上書願輸家財半助
邊繼復持錢二十萬助給從民式田畜為事當時聲名
曾不足擬俠士及在位亦無奇節然進歇入列傳焉豈

作朱家若流止能擅我鄉邑而兼在朝廷者惟式故耶
嗟夫世之人賈處商行賤請而貴市朝儻其間稱貸之
際羽毛之輕有鄰容馬刀之末有陪筭焉龍斷而私秦
人相視知定者可以為朱家者流也乎可以為式也乎
塵土纏衣且營什一之方江湖苦舟車寧免與取之
計嗟夫孰不知義之為重哉將得之心勝之耳積而能
敬此人之所以難也

○田千秋以一言取相既亡里以三語碎為祿與驛以
一筭創拜都尉孟佗以五斗酒擢刺史即事而數之千
秋其優乎千秋猶能活三象不常以此遞致相位爾
○漢博士徐偃使行風俗使膠東魯國鼓鑄監鐵還奏

事御史大夫張湯劾儼矯制儼以為春秋之義大夫出疆有可以安社稷存萬民觀之可也湯不能識其義謂者給事中蔡軍詰儼曰古者諸侯國異俗分百不一通時有聘會之事安危之勢呼吸成變故有不受命造命類已之且今天下為一萬里同風故春秋王者無外儼巡封域之內稱以出疆何也且監鐵郡有餘歲正二國廢國家不足以為利害而以安社稷存萬民為辭何也儼篤誅罪洪武中御史凌漢言古人謂大夫出疆有可以安國家利社稷者專之可也竊以為在春秋戰國則可在今天大一統之時則不可苟許其專恐啓大臣擅權之漸上善其言此終軍所以罪徐儼之言也

○漢霍光廢賀立宣宰相楊敞而下不敢異議而嚴延年獨劾之呂東萊謂伯夷之後一再見者東晉海西既廢簡文帝登祚未解嚴大司馬桓溫屯中堂吹警角御史中丞王恬奏劾溫大不敬請科罪溫視奏歎曰此兒乃敢彈我若恬非嚴延年之後一再見者乎而恬之舉又難於延年矣

○漢潁川有富室兄弟同居婦皆懷姙長婦胎傷弟婦生男長婦遂盜取之爭訟三年州郡不能決丞相黃霸令卒抱兒去兩婦各十步叱令自取長婦抱持甚急兒大啼叫弟婦恐致傷害因而放與而心甚懷愴霸曰此弟子也責問乃伏後魏李崇為揚州刺史先是壽春縣

人荀泰有子三歲遇賊亡失數年始見在同縣趙奉伯家泰以狀告各言已子並有隣證郡縣不龍決崇以二父與兒別禁一處數旬遣人告曰君兒遇患向已暴死有教解禁可出奔哀也泰聞即號咷悲不自勝奉伯咨嗟而已崇知之以兒還泰遂詰奉伯詐狀奉伯歎服隋于仲文遷固安太守有任杜兩家各失牛後得一牛及兩家俱認州郡亦不能決請於仲文於是令兩家各驅牛群至乃放所認者遂向任氏群中文陰使人微傷其牛任氏嗟惋杜家自若仲文呵詰杜氏服罪而去誠之不可掩如此

○漢張安世子封侯都內別藏張氏無名錢以百萬

數安世尊為公依食邑萬戶然身衣玄緜夫八自給家童七百人皆有手技作事內治產業累積微是以能殖其貨史臣欲明安世之賢其富非招克而致之者雖然身都將相焉用殖貨為哉此與拔園葵去織婦者異矣

○漢孝宣殺趙蓋歸揚皆不厭入心後世追論其用刑之刻必並舉而言之東坡作二疏圖贊云孝宣中興以法馭人裁蓋歸揚蓋三良臣下及趙者豈以廣漢持魏相是非猶有自取之通故邪

○趙廣漢之死魏相為之請延壽之死蕭望之為之
○漢韓延壽善為政坐法棄市吏民莫不流涕延壽二

子皆為即走延壽臨死屬其子勿為吏以已為戒子皆以父言去官延壽死非其罪三子去官不仕是也延壽教子勿為吏以已為戒何也延壽為吏有罪屬其以已為戒可也己誠無罪何戒於死哉范滂坐黨誣死顧謂其子曰吾欲使汝為惡則惡不可為使汝為善則我不為惡君子於此有一聽之天而已矣

○漢丙吉傳地節三年掖庭宮婢則令民夫上書自陳嘗有阿保之功宣帝親問然後知吉有舊恩而終不言大賢之制詔丞相封吉為博陽侯臨當封吉疾病上憂吉疾不起夏侯勝曰有陰德者必享其樂以及子孫今吉未獲報而疾甚非其延壽也後病果瘳後五歲為丞

相宋陸務觀舊聞云宣和末蔡京病篤人皆謂必死矣獨晁冲之叔用謂先君曰未死也此老奴壞至此若使冥然死諫下備極哀榮豈復有天道哉已而果不死至儋州之竟而死於潭蓋意之報如此夫西貝似道毋憂再起馬廷壽病亟曰退禍福亦可驗矣

○趙飛燕證班婕妤好好祝詛於成帝婕妤曰鬼神有知不受邪佞之辭皆其無知辭之何益理明辭辯深足感人范滂慕忠更俾琴阜陶謗曰阜陶賢者知滂無罪將理之范帝如其無知祭之何益謂理與婕妤類後人達此可以發無益之禱祀矣

○陳咸之父教子以讓而咸逆之崔烈之子譏其父銅

吳烈亦耻之不德不可以為訓於家如此

○漢哀帝以王嘉封還董賢益戶事無所發怒而追責其為梁相等事此徒欲加之罪云耳孔光等劾嘉還國問上不道請詔嘉詣廷尉獄光何為者文諱問嘉嘉對曰寧事者思得實相等無罪獲蒙大赦竊為國惜賢不私此三人獄吏曰苟如此則君何罪猶當有以負國不置入獄矣嗚呼此上指也嘉仰天歎曰幸得克備宰相不能進賢退不肖以是負國死有餘責吏問賢不肖主名嘉曰賢故丞相孔光故大司空何武不能進惡高安侯董賢父子亂朝而不能退罪當死因遂不食歐血死嗚呼孔光何為者嘉之死光有力焉而嘉猶以不能

進光為負國嘉則實矣然不可謂知人也史稱上覽嘉對思其言以光為御火大夫尋為丞相復故國博山侯又云上乃知光前免非其罪以過近臣毀短光者帝之用光豈為思嘉言哉帝嘗令董賢私過光光知帝欲尊寵賢及聞當乘轎衣冠出門待望見賢車乃知入賢至中門光入閣既下車乃出拜謁送迎甚謹不敢用賓客鈞敵禮此帝之所以用光也使帝而思嘉言豈不亦知嘉之無罪哉傳嘉以前毀短光免為庶人歸故郡丁明以素重嘉憐其死冊免使就第光既相賢遂權侂人主光者非嘉之罪人耶

一為援對光武有不獨君擇臣臣亦擇君語常上下之

分未定之時志建之者擇君而仕誠不為過范增而漢
用張陳之傳矣只布而蜀用關張之亞矣王猛而晉用
王謝之匹矣李密而唐用裴鄂之倫矣有才而不知擇
所事或比之匪人或子然欲以自用其不能名世也惜
哉

○董賢之死所厚吏朱翊自劾去大司馬府買棺衣收
賢屍葬之王莽聞之以它罪擊殺謂直以賢所厚吏
自可誅矣

○鄧禹師行有紀百姓携負迎降日以千數衆號百萬
禹所止輒停車駐節以勞來之畫髮戴白滿其車下莫
不感悅然自馮悛叛後威名稍損戰數不利歸附者日

益離散事會之變蓋不可期如此地道無成而持有終
也光武若劉琨長於招懷而短於撫衛一日之中

歸者數千而去者相繼固不同矣

○馬援為孟冀言匈奴烏桓擾邊欲自請擊之兒要

當死於邊野以馬革裹尸還葬耳何能臥床在兒文

子手中邪金完高安園曰大夫夫暴骨邊庭不猶愈於

病死確下此伏波之志也伏波乃欲裹尸還葬則是東

坡所謂劉伶忘死未忘骸耳諒為烈士骨暴不祇可集

○馬援謂梁松竇固曰凡人富貴當使可復賤也如卿

等欲不可復與居高堅自持勉思鄙言嗚呼富貴而不

可復賤此騎虎之勢不可不懼此言不可不勉思也吾

見建事人之富貴欲求復賤而不可得也

○寶融與西門翼書有云為忠甚易得宜實難處人太過以德取怨余嘗三復此言

○祭遵死於渾光武悼之甚每朝會歎曰安得憂國奉公如祭征虜者惟帝念功不以存沒為問帝於殿前之病情蓋有不容已者矣群臣聞之自省其能憂國奉公否乎法遵之所以憂國奉公者豈不可也姚期乃曰陛下哀念祭遵群臣各懷慚懼有如憂國奉公知征虜者何慚懼之有哉將益有所感激知其所以憂國奉公者必為上之所念矣帝足歎也非群臣勸戒之一機耶

○光武封陰貴人弟就為侯後召就兄與欲封之與固

重

辭貴人問故興曰外戚家若不知謙退嫁女欲配侯王取婦聘媵公主愚心實不安也富貴有極人當知足夸奢益為觀聽所幾貴人感其言深自降挹卒不為宗親求位然至顯宗時就子豐尚酈邑公主驕妬豐殺之被誅父母皆自殺興之言卒驗于其家樊條弟鮪為子賞求楚王英文儵聞而止之曰建武中吾家並受祭寵一宗五侯時特進一言文可配王男可尚主但以貴寵過盛即為禍患故不為也爾止一子奈何棄之楚乎鮪不從及後楚謀逆事覺條已卒顯宗念儵故諸子得不坐然儵之言卒驗於其家馮子第之不肖家有藥石而不能受之於父兄父兄之賢身為方劑而不能自

愈其子弟若是者豈不可恨哉

○張敬夫論嚴子陵非素隱行倦必長往而不返者彼與光武火而相從知其心度為最詳也以謂若武欲為當時之治則當時人才固足辦之若欲進乎兩漢之事則又懼其不能信從故寧不就之耳嗚呼子陵之心固如此哉春觀子陵與侯君房書之言有以知子陵之胸臆矣霸得書奏帝帝有狂奴故能之語及幸其館撫腹之間聲以出也又曰我竟不能下汝耶此豈禮貌賢者之口也子陵是時年亦已長矣帝不以師友處子陵而有諫議大夫之除何哉帝問已何如昔時子陵謂差增於往其素不足帝也可知使子陵而賦詠議大夫不

能一毫阿諛順旨而帝又不能一一尊信之然則如子陵何哉帝不任三公而政歸臺閣其大臣至以直言死其群臣往往以非讖而見罷黜將來之事廢后易太子皆人道不可之大者子陵是時有死其職而已矣不然亦有去而已矣夫死其職非賢者所以愛其君之初意去其君於受職之餘孰謂今日之不受之為全其節而君臣之間兩可無憾也哉嗚呼此子陵之心也春敢以足南軒之所未悉

餘冬序錄卷十

餘冬序錄卷十

52

52